



Pranuar / Dorezuar Prijmenjen / Predato Received / Delivered	17-08	2023	3	viti god year
Organ / Njësia Organ / Jedinica Org / Unit	Nr Prot Br Prot Prot No	Shtojt e Prilog Appendix	Sasia Kolicina Quantity	
SKOPSHCK	5699/2023		116	



**Republika e Kosovës**  
Republika Kosova – Republic of Kosovo

**KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS**  
**NEZAVISNI NADZORNI ODBOR CIVILNE SLUŽBE KOSOVA**  
**INDEPENDENT OVERSIGHT BOARD FOR THE CIVIL SERVICE OF KOSOVO**

A.nr.913/2023

**Këshilli i Pavarur Mbikëqyrës për Shërbimin Civil të Kosovës**– Kolegji për Shqyrtimin dhe Vendosjen e Ankesave i përbërë nga: Eshref Shabani-kryetar, Arben Mehmeti dhe Malsore Gashi Bajraktari-anëtarë, me Flakron Gashi-Zyrtar i Lartë për Bashkëpunim Profesional, në cilësinë e procesmbajtësit, ka shqyrtuar ankesën me numër A.nr.913/2023, të datës 05.07.2023 të ankueses kundër Vendimit KA.nr.17/2023 të datës 21.06.2023 të Komisionit për Zgjedhjen e Kontesteve dhe Ankesave, në çështjen juridike “kontestim konkursi”, duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin dhe 1.2 dhe 1.6 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 17.08.2023, mori:

**V E N D I M**

- I. Shfuqizohet** Vendimi KA.nr.17/2023 i datës 21.06.2023 i Komisionit për Zgjedhjen e Kontesteve dhe Ankesave të Sekretariatit të Këshillit Gjyqësor të Kosovës.
- II. Anullohet** Njoftim për përzgjedhjen përfundimtare të datës 12.05.2023, Lista e ngushtë e kandidatëve duke përfshirë rezultatet e testit me shkrim dhe intervistës me gojë si dhe Raporti Final i Rekomandimit nga Komisioni i Pranimit i datës 10.05.2023, ndërsa lënda kthehet në *ri-shqyrtim* dhe *ri-vendosje*.
- III. Obligohet** Komisioni Përzgjedhës në Sekretariatit të Këshillit Gjyqësor të Kosovës, të ndërmarr veprimet e nevojshme në afatin prej pesëmbëdhjetë (15) ditësh, nga dita e pranimit të këtij vendimi, që të *ri-zhvilloj* procedurën e rekrutimit për pozitën “Udhëheqës i Zyrës për Buxhet dhe Financa” në Gjykatën Themelore të Pejës, nga faza e përgatitjes së listës së ngushtë.
- IV. Obligohet** Drejtori i Përgjithshëm i Sekretariatit të Këshillit Gjyqësor të Kosovës, që të kujdeset për zbatimin e këtij vendimi si në pikën III të dispozitivit.
- V. Këshilli i Pavarur Mbikëqyrës për Shërbimin Civil të Kosovës**, duhet të njoftohet me shkrim pas ndërmarrjes së veprimeve në pajtim me këtë vendimi.

## Arsy e t i m

Ankuesja e cila sipas shkresave të lëndës është kandidatë në procedurën e rekrutimit "Udhëheqës i Zyrës për Buxhet dhe Financa" në Gjykatën Themelore të Pejës të shpallur nga Sekretariati i Këshillit Gjyqësor të Kosovës, me datë 05.07.2023 ka parashtruar ankesë në Këshillin e Pavarur Mbikëqyrës për Shërbimin Civil të Kosovës e cila është regjistruar dhe protokolluar me numër 5022/2023, kundër Vendimit me numër 03/699 të datës 12.05.2023.

Në bazë të provave të lëndës, ankuesja është përfshirë në fazat e procedurës konkretisht listën e ngushtë, testin me shkrim dhe intervistën me gojë. Pas përfundimit të procedurës së rekrutimit për pozitën e cekur më lartë sipas Renditjes përfundimtare të kandidatëve, ankuesja është renditur e treta me pikë me gjithsej 387, ndërsa sipas Njoftimit për përzgjedhjen përfundimtare të datës 12.05.2023, ankuesja nuk rezulton të jetë kandidatë e suksesshme.

Ankuesja në ankesën e parashtruar në Këshilli pretendon se Komisioni i Pranimit ka zbatuar gabimisht dispozitat e aplikuara ligjore me rastin e vlerësimit të biografisë së kandidatit fitues pasi që e njëjta përvojën e punës nuk e ka në fushën në të cilën zhvillohet procedura, me kërkesën që konkursi i kontestuar të anulohet për shkak të shkeljeve të dispozitave ligjore të ligjit material.

Këshilli i Pavarur Mbikëqyrës për Shërbimin Civil të Kosovës (me tej KPMSHCK) bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave, me datën 14.07.2023 ka proceduar kërkesën për përgjigje në ankesë te Këshilli Gjyqësor i Kosovës. Ndërsa me datë 26.07.2023, KPMSHCK-ja ka pranuar përgjigjen në ankesë se bashku me shkresat lidhur me çështjen në procedurë.

Kolegji për Shqyrtimin dhe Vendosjen e Ankesave, për shqyrtimin e kësaj lënde ka administruar këto prova: Ankesën e datës 05.07.2023 e parashtruar nga ankuesja në Këshillin e Pavarur Mbikëqyrës të Shërbimit Civil të Kosovës; Vendimi me numër KA.nr.17/2023 i datës 21.06.2023; Vendimi me numër 03/1543 i datës 08.08.2022; Njoftim për përzgjedhjen përfundimtare me numër 03/1548 i datës 08.08.2022; Njoftim për përzgjedhjen përfundimtare me numër 03/1549 i datës 08.08.2022; Njoftim për përzgjedhjen përfundimtare me numër 03/1550 i datës 08.08.2022; E-mail i dërguar nga A.K drejtuar A.B e datës 10.03.2022; E-mail i dërguar nga E.SH drejtuar A.D e datës 29.06.2023; E-mail i dërguar nga A.K drejtuar KPMSHCK e datës 05.07.2023; Kërkesa për përgjigje në ankesë e datës 14.07.2023; Përgjigja në ankesë e datës 26.07.2023; Kopja e fletë kthesës; Ankesa me numër 01/808 e datës 31.05.2023; Formularët e vlerësimit për A.K-G prej 1-5 faqe; Udhëzues për testin me shkrim për A.K-G e datës 0.05.2023; Testi me shkrim i Kërkesa për punësim e A.K-G e datës 23.02.2023;Kopja e letërnjoftimit për Certifikata mbi dënimet penale për A.K-G e datës 20.02.2023; Diplomë e lëshuar nga Universiteti i Prishtinës me numër 9 e datës 21.05.2005; Diplomë e lëshuar nga B.Pr.A.L dukagjini me numër 23/14 e datës 30.10.2014; Akt emërim me numër 03/1026 i datës 01.06.2021; ;Letër reference e lëshuar për A.K-G; Formular për vlerësimin e rezultateve në punë e datës 31.12.2022; Formular për vlerësimin e rezultateve në punë e datës 01.06.2022; Vërtetim i lëshuar nga Banka ekonomike me numër 831 i datës 15.06.2022; Letër e brendshme me numër prot.340 e datës 15.02.2016; Kontratë e punësimit me numër prot. 2385 e datës 04.09.2014; Kontratë e punësimit me numër prot. 1440 e datës 09.11.2017; Mirënjohje e lëshuar nga Banka Ekonomike për A.K e datës 16.12.2017; Konfirmim i pjesëmarrjes i lëshuar nga Ausrian Institute of Excellence e datës 30.01.2016; Certifikatë për pjesëmarrje e lëshuar nga Banka Ekonomike, Business Consultants council

dhe Art Shala &Co. e datës shtator 2019; Certifikatë e lëshuar nga Banka Ekonomike e datës 24.03.2011; Certifikatë e lëshuar nga Menagment Development Associates ; Letër falënderimi nga Banka ekonomike; Certifikatë e lëshuar nga Instinct Training shpk e datës 12.05.2015; Letër rekomandimi e lëshuar nga Mercy Corps Kosovo e datës 31.03.2003; Letër rekomandimi e lëshuar nga Mercy Corps Kosovo e datës 15.02.2001; Certifikate e lëshuar nga Mercy Corps International e datës 28.02.2001; Certifikate e lëshuar nga Mercy Corps e datës 04.01.2002; Njoftim për përzgjedhjen përfundimtare me numër 03/699 e datës 12.05.2023; Raporti final i rekomandimit nga komisioni rekrutues i datës 10.05.2023; Renditja përfundimtare e kandidatëve; Përmbledhja e vlerësimeve individuale e datës 10.05.2023; Përcaktimi i kriterëve për përfshirjen në listën e ngushtë; Përcaktimi i kriterëve për testim me shkrim dhe me gojë për vendin e punës për të cilin nuk kërkohet njohja e ndonjë gjuhe të huaj e datës 10.05.2023; Regjistri i aplikacioneve të pranuar; Deklaratat për mosekzistimin e konfliktit të interesit të anëtarëve të komisionit të datës 06.04.2023 prej 1 deri 5 faqe; Vendim me numër 03/449 i datës 24.03.2023 Propozim për emërimin e KPSHC e datës 23.03.2023; Vendim me numër 01/135 e datës 09.02.2023; Konkurs i jashtëm me numër 03/249 i datës 15.02.2023; Formularët e vlerësimeve të anëtarëve të komisionit për A.M; Udhëzues për testin me shkrim e datës 04.05.2023 me korrespondencën e bashkangjitur; Kërkesa për punësim e A.M e datës 27.02.2023; Kopja e letërnjoftimit për A.M; Certifikata mbi dënimet penale për A.M e datës 21.02.2023; Diplome e lëshuar nga Universiteti i Prishtinës "Hasan Prishtina" me numër 1682 e datës 13.07.2018; Diplome e lëshuar nga Universiteti i Prishtinës "Hasan Prishtina" me numër 514 e datës 29.04.2014; Certifikatë për përfundimin e kursit e lëshuar nga Corporate Social Responsibility e datës 26.12.2019; Certifikatë e lëshuar nga ShKÇAK; Rekomandim për punësim e lëshuar nga Universiteti i vizionit Evropian i datës 28.08.2009; Vërtetim punësimi e lëshuar nga Inernational Menagment Group e datës 10.12.2020; Kontratë e shërbimeve e lëshuar nga Inernational Menagment Group e datës 28.06.2017; Amendament i Kontratës së shërbimeve e lëshuar nga Inernational Menagment Group e datës 26.09.2017; Amendament i Kontratës së shërbimeve e lëshuar nga Inernational Menagment Group e datës 21.06.2018; Amendament i Kontratës së shërbimeve e lëshuar nga Inernational Menagment Group e datës 17.12.2018; Amendament i Kontratës së shërbimeve e lëshuar nga Inernational Menagment Group e datës 26.12.2019; Amendament i Kontratës së shërbimeve e lëshuar nga Inernational Menagment Group e datës 01.07.2020; Amendament i Kontratës së shërbimeve e lëshuar nga Inernational Menagment Group e datës 22.12.2020; Amendament i Kontratës së shërbimeve e lëshuar nga Inernational Menagment Group e datës 14.06.2021; Kontratë e shërbimeve e lëshuar nga Inernational Menagment Group e datës 31.12.2021; Amendament i Kontratës së shërbimeve e lëshuar nga Inernational Menagment Group e datës 31.03.2022; Kontratë pune e lëshuar nga Sekretariati i Këshillit Gjyqësor të Kosovës me numër 03/1790 e datës 22.09.2022 ; Letër rekomandimi e lëshuar nga Kryetari i gjykatës Themelore të Pejës; Letër rekomandimi e lëshuar nga Drejtori i Departamentit të TIK në SKGJK i datës 24.02.2023; Pliko me numër 03/1079 e datës 26.07.2023.

Kolegji për Shqyrtimin dhe Vendosjen e Ankesave, pasi ka shqyrtuar të gjitha shkresat e bashkangjitura të lëndës të dërguara nga palët në procedurë, ka konstatuar se ankesa e ankueses duhet të kthehet në *ri-shqyrtim* dhe *rivendosje* tek organi i njëjtë, *sepse*:

Kolegji për Shqyrtimin dhe Vendosjen e Ankesave, nga administrimi i shkresave të lëndës ka konstatuar se Sekretariati i Këshillit Gjyqësor të Kosovës me datë 15.02.2023 ka bërë njoftimin publik për shpalljen e konkursit të pranimit (i jashtëm) për pozitën "Udhëheqës i Zyrës për Buxhet dhe Financa" në Gjykatën Themelore në Pejë me numër 01/2023, ndërsa bazuar në renditjen përfundimtare të

kandidatëve konstatohet fakti se ankuesja ka arritur ti mbledh 369.75 pikë duke u renditur e treta në listë, rrjedhimisht nuk është përzgjedhur kandidate fituese.

Ankuesja, e pakënaqur me renditjen përfundimtare të kandidatëve, kishte parashtruar ankesë të brendshme me pretendimin ankimor se kandidatja e përzgjedhur nuk ka kualifikimin kërkuar arsimor dhe përvojën adekuate të punës, ndërsa Komisioni për Zgjedhjen e kontesteve dhe Ankesave përmes Vendimit me numër KA.nr.17/2023 të datës 21.06.2023 kishte refuzuar ankesën e ankueses me arsyetimin se në bazë të dokumentacionit të dorëzuar, kandidatja fituese i ka përmbushur të gjitha kriteret e kërkuara me konkurs. Në këtë mënyrë Udhëheqësi i Burimeve Njerëzore ka nxjerr Njoftimin për përzgjedhjen përfundimtare të datës 12.05.2023 lidhur me kandidatin e suksesshëm për pozitën e shpallur të konkursit nga rezulton se ankuesja nuk ishte kandidate e përzgjedhur.

Po ashtu, Kolegji i Këshillit, konstaton se në konkursin e shpallur të datës 15.02.2023 për pozitën "Udhëheqës i Zyrës për Buxhet dhe Financa" në Gjykatën Themelore të Pejës me numër 01/2023, kriteret e përgjithshme formale të konkursit kanë qenë:

- *Arsimimi i kërkuar: Diplomë universitare të vlefshme në Kosovë: drejtimi ekonomik, financa apo biznes.*
- *Përvoja e punës: Se paku pesë (5) vite përvoje pune.*

Me qëllim të shqyrtimit të ligjshmërisë së pretendimeve ankimore të ankueses lidhur me kërkesën e saj për anulimin e konkursit për shkak se kandidati fitues nuk e ka përmbushur kriterin e konkursit lidhur me arsimimin e kërkuar dhe përvojën e punës në fushën në të cilën zhvillohet procedura, Kolegji i Këshillit pas analizimit të aplikacionit dhe dokumentacioneve të bashkangjitura të dorëzuar nga kandidatja fituese A.E, ka konstatuar se e njëjta sipas Diplomës së datës 13.07.2023 me shifër:1682 dëshmohet se ka diplomuar në Drejtimin Menaxhment në Turizëm dhe Hotelieri në Fakultetin e Shkencave Aplikative të Biznesit në Pejë të Universitetit të Prishtinës "Hasan Prishtina", rrjedhimisht Komisioni për Zgjedhjen e Kontesteve dhe të Ankesave me rastin e refuzimit të ankesës së ankueses përmes Vendimit numër KA.nr.17/2023 të datës 21.06.2023 nuk ka arritur të arsyetojë mjaftueshëm aktin e nxjerrë nëse titulli i fituar pas diplomimit të kandidates së suksesshme është ekuivalente me drejtimin e kërkuara të kualifikimit sipas konkursit të datës 15.02.2023, ndërsa theksojmë faktin se duke u mbështetur në dispozitat e Ligjit Nr.05/L-031 për Procedurën e Përgjithshme Administrative arsyetimi i vendimit është detyrim ligjor, respektivisht arsyetimi jo plotë apo i mangët është i barabartë me mungesën e tij, gjegjësisht kjo çështje rregullohet me nenin 48 paragrafi 1 dhe 2 ndërlidhur me nenin 47 paragrafi 1 nën paragrafi 1.3 të të njëjtit ligj.

Po ashtu, Kolegji i Këshillit gjatë shqyrtimit të provave të lëndës, konstaton faktin se kandidatja e përzgjedhur përvojën e punës së fituar në institucione private nuk e ka dëshmuar me dokumentacionin e nevojshëm, respektivisht në kërkesën për punësim të datës 27.02.2023 nuk ka bashkangjitur ndonjë dokument përcjellës nga Trusti i Kursimeve Pensionale apo nga Administrata Tatimore Kosovës, sepse përvoja e punës në sektorin privat e provuar vetëm përmes shkresave të lëshuar nga punëdhënësi nuk është dëshmi e mjaftueshme dhe e vlefshme nëse të njëjtat nuk janë të shoqëruara edhe me vërtetim nga organet përgjegjëse, kështu që lidhur me këtë Kolegji i Këshillit, ju ka referuar Aktvendimit me numër AA.nr.614/2022 të datës 27.09.2022 të Gjykatës së Apelit e Kosovës, e cila ka theksuar se dëshmitë e përvojës së punës duhet të dëshmojnë me kontratë pune dhe me vërtetim nga Administrata Tatimore e Kosovës apo dëshmi të lëshuar nga Trusti Pensional i Kosovës, detyrim ky ligjor i përcaktuar edhe me nenin 9 paragrafi 1 dhe 3 të Ligjit Nr. 05/L-028 për

Tatimin në të Ardhurat Personale. Nga shkresat e lëndës, Kolegji i Këshillit ka gjetur se as ankuesja në kërkesën për punësim të datës 23.02.2023 nuk ka bashkangjitur ndonjë dokument përcjellës nga Trusti i Kursimeve Pensionale apo nga Administrata Tatimore Kosovës, pasi që një pjesë të përvojës së punës e ka prezantuar në sektorin privat sipas kontratës së punës të datës 04.09.2014 me numër protokoli:2385 dhe asaj të datës 09.11.2017 me numër protokoli:1440 që të dyja të lëshuara nga Banka Ekonomike.

Nga se u tha si më lartë, Kolegji i Këshillit konstaton se Komisioni Përzgjedhës në kuadër të Sekretariatit të Këshillit Gjyqësor të Kosovës, me rastin e përgatitjes së listës së shkurtër përmes të cilës kandidatja e përzgjedhur dhe ankuesja është përfshirë në listën e ngushtë, nuk ka arritur të dëshmojë apo arsyetojë në mënyrë plotë dhe të drejtë nëse të gjithë kandidatët në procedurë të plotësojë kushtet e konkursit gjegjësisht kualifikimin profesional atë të përvojës së punës, ashtu që i njëjti komision ka vepruar në kundërshtim me 28 paragrafin 1 nën paragrafin 1.1 dhe 1.2 të Rregullores Nr.02/2010 për Procedurat e Rekrutimit në Shërbimin Civil, i cili përcakton se: *"1.Anëtarët e KPSHC-së vlerësojnë aplikacionet në bazë të kritereve në vijmë:1.1 Arsimimi dhe kualifikimi profesional; si dhe 1.2. përvoja e punës"*, prandaj secili veprim i ndërmarrë procedural pas kësaj faze nga Komisioni Përzgjedhës duke përfshirë përpilimin e listës së ngushtë, rezultatet e testit me shkrim dhe intervistës me gojë e deri te rekomandim i Komisionit të Pranimit për kandidatin e suksesshëm janë të pavlefshme juridikisht dhe nuk mund të prodhojnë efekte juridike pasi që deri të ky rezultat ka ardhë si pasojë e një procedurë të përcjellë me shkelje të dispozitave të ligjit material dhe LPPA-së.

Prandaj, nga se u tha si më lartë, pas shqyrtimit të shkresave të lëndës, analizimit të pretendimeve ankimore të ankueses për shkelje të parimeve të Ligjit Nr. 03/L-149 për Shërbimin Civil të Republikës së Kosovës, vërtetim të gabuar dhe jo të plotë të gjendjes faktike si dhe duke marrë parasysh dispozitat të aplikuara ligjore në fuqi duke përfshirë konstatimet e shkeljeve të paraqitura si në arsyetimin e këtij vendimi, Kolegji i Këshillit konstatoi se procedura e rekrutimit sipas konkursit me 01/2023 për pozitën *"Udhëheqës i Zyrës për Buxhet dhe Financa"* në Gjykatën Themelore të Pejës të shpallur nga Sekretariati i Këshillit Gjyqësor të Kosovës, nga faza e përgatitjes së listës së ngushtë deri në fazën e përfundimit për arsyet e dhëna si më lartë është zhvilluar në kundërshtim me dispozitat e Ligjit Nr.03/L-149 për Shërbimin Civil të Republikës së Kosovës dhe të Rregullores Nr.02/2010 për Procedurat e Rekrutimit në Shërbimin Civil.

Po ashtu, Kolegji për Shqyrtimin dhe Vendosjen e Ankesave, nisur nga konstatimet e dhëna si më lartë ka konstatuar që Komisioni për Zgjidhjen e Kontesteve dhe Ankesave i Sekretariatit të Këshillit Gjyqësor të Kosovës me rastin e nxjerrjes së Vendimit KA.nr.17/2023 i datës 21.06.2023, ka vepruar në kundërshtim me dispozitat e Ligjit Nr.03/L-149 për Shërbimin Civil të Republikës së Kosovës, Ligjit Nr.05/L-031 për Procedurën e Përgjithshme Administrative dhe Rregullores Nr.5/2011 për Procedurat e Zgjidhjes së Kontesteve dhe Ankesave, sepse nuk ka vërtetuar drejtë gjendjen faktike dhe bazën juridike, respektivisht sikurse përcaktohet në dispozitat e nenit 52 paragrafi 1 nën paragrafi 1.1 dhe 1.4 të Ligjit Nr.05/L-031 për Procedurën e Përgjithshme Administrative ku përcaktohet se: *"Një akt administrativ është i paligjshëm nëse: 11.4. është nxjerre në kundërshtim me dispozitat që rregullojnë formën apo elementet e detyrueshme të aktit administrativ; 1.5. është në kundërshtim me ligjin material"* i njëjtë është vendim i paligjshëm, prandaj është shfuqizuar sikurse në dispozitiv të këtij vendimi.

Kolegji i Këshillit, thekson faktin se për shkak të shkeljeve procedurale dhe materiale të cekura si më lartë në këtë procedurë dhe me qëllim të eliminimit të tyre ka vendosur që të lëndën ta kthejë në

rishqyrtim, ndërsa Komisioni Përzgjedhës në Sekretariatit e Këshillit Gjyqësor të Kosovës obligohet të ndërmarr veprimet e nevojshme në afatin prej pesëmbëdhjetë (15) ditësh, nga dita e pranimit të këtij vendimi, që të *ri-zhvilloj* procedurën e rekrutimit për pozitën “Udhëheqës i Zyrës për Buxhet dhe Financa”, në Gjykatën Themelore të Pejës, nga faza e përgatitjes së listës së ngushtë dhe të bëjë rivlerësimin e të gjitha aplikacioneve të kandidatëve në këtë procedurë të rekrutimit, duke u bazuar në konstatimet dhe pikëpamjet e dhëna juridike si më lartë në arsyetimin e këtij vendimi, gjithëherë në respektim të normave të përcaktuara me dispozitat e Rregullores Nr.02/2010 për Procedurat e Rekrutimit në Shërbimin Civil, Ligjit Nr. 03/L-149 për Shërbimin Civil të Republikës së Kosovës dhe Ligjit Nr.05/L-031 për Procedurën e Përgjithshme Administrative.

Andaj, pas analizimit dhe vlerësimit të të gjitha shkresave të lëndës si dhe duke u bazuar nënin 6 paragrafi 1, nën paragrafi 1.1 si dhe nënin 18 paragrafi 1 nën paragrafi 1.2 dhe 1.6 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, Kolegji i Këshillit vendosi si në dispozitiv të këtij Vendimi.

Vendimi hyn në fuqi në ditën e nënshkrimit nga Kryetari i Kolegjit.

**Këshillë juridike:** Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh, nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

## KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS

Lënda me numër A.nr.913/2023

Flakron GASHI

Zyrtar i Lartë për Bashkëpunim Profesional

Eshref SHABANI

Kryetar i Kolegjit



### Vendimi i dërgohet:

- Ankueses
- Drejtori i Përgjithshëm të Sekretariatit të Këshillit Gjyqësor të Kosovës;
- Udhëheqësit të Burimeve Njerëzore në Sekretariatit e Këshillit Gjyqësor të Kosovës, dhe
- Arkivitet të KPMSHCK-së.